



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: _____.

Datum: _____.

PRIJEDLOG

Na osnovu člana 14. stav 4., a u vezi sa članom 16. stavom 2., 4. i 5. Zakona o eksproprijaciji ("Službene novine FBiH", broj: 70/07 i 36/10) i člana 14. stav 4. Statuta općine Tešanj ("Službeni glasnik Općine Tešanj", broj: 11/07), rješavajući po prijedlogu Općinskog pravobranilaštva Općine Tešanj i Doboj-Jug, za utvrđenje javnog interesa u cilju izgradnje vodovoda Raduša i Jugozapad-Tešanj, općina Tešanj, Općinsko vijeće Općine Tešanj, na redovnoj sjednici održanoj, dana, _____ 2014.g., donosi

ODLUKU

1. UTVRĐUJE SE DA JE OD JAVNOG INTERESA izgradnja vodovoda Raduša i Jugozapad-Tešanj, općina Tešanj, pa se radi izgradnje rezervoara može pristupiti potpunoj eksproprijaciji kao i nepotpunoj eksproprijaciji (ustanovljenju služnosti) na parcelama utvrđenih Glavnim projektom "Vodovod Raduša i Jugozapad-Tešanj općina Tešanj" koji je urađen od strane IPSA INSTITUT d.o.o. Sarajevo.

2. Utvrđuje se da je Općina Tešanj korisnik eksproprijacije parcela koje će biti označene u rješenju koje donese nadležna Služba u postupku rješavanja imovinsko pravnih odnosa.

3. Trasa vodovoda prikazana je na kopiji katastarskog plana prema Glavnom projektu urađen od strane IPSA INSTITUT d.o.o. Sarajevo.

4. Protiv ove Odluke može se pokrenuti upravni spor podnošenjem tužbe Kantonalnom sudu u Zenici u roku od 30 dana računajući od dana prijema ove Odluke. Tužba se podnosi neposredno sudu.

PREDSJEDAVAJUĆI
OPĆINSKOG VIJEĆA:

OBRAZLOŽENJE

PRAVNI OSNOV:

Član 8. stav 1., član 14. stav 4., član 16. stav 2., 4. i 5. Zakona o eksproprijaciji ("Službene novine FBiH"; broj: 70/07 i 36/10) i član 14. Statuta općine Tešanj ("Službeni glasnik Općine Tešanj", broj: 11/07).

RAZLOZI DONOŠENJA:

Kod Službe za katastar, urbanizam i imovinsko pravne- poslove, Općine Tešanj, podnesen je prijedlog od strane Općinskog pravobranilaštva Općine Tešanj i Doboj-Jug, za utvrđivanje javnog interesa za izgradnju vodovoda Raduša i Jugozapad Tešanj, da se prema tehničkim normativima može pristupiti potpunoj-nepotpunoj eksproprijaciji shodno izvedenom glavnom projektu i to na nekretninama u privatnoj svojini odnosno ograničavanju prava korištenja istih i prenosu prava na nepokretnostima u korist korisnika eksproprijacije općine Tešanj.

Budući da je izgradnja vodovoda za naselje Raduša i Ošljak kao i Jugozapad Tešnja od značaja za općinu, tako je u cilju izgradnje istog donesen Glavni projekat "Vodovod Raduša i Jugozapad-Tešanj općina Tešanj" urađen od strane IPSA INSTITUT d.o.o. Sarajevo.

U smislu naprijed izloženog, predlaže se Općinskom Vijeću kao nadležnom tijelu, da usvoji prijedlog ove Odluke kojim se utvrđuje da je od javnog interesa izgradnja vodovoda Raduša i Jugozapad-Tešanj.

Ovom Odlukom stvaraju se pretpostavke za pokretanje imovinsko-pravnih odnosa ukoliko isti ne budu riješeni sporazumom između korisnika eksproprijacije i vlasnika nekretnina a nakon što budu obezbjeđena finansijska sredstva za realizaciju navedenog projekta.

Općinskom Vijeću Općine Tešanj se predlaže da u smislu naprijed izloženog, usvoji Prijedlog ove Odluke.

OBRAĐIVAČ:

Služba za katastar, urbanizam i imovinsko- pravne
poslove
POMOĆNIK OPĆINSKOG NAČELNIKA

NADIR Medarić, dipl. ing. geodezije

PREDLAGAČ: OPĆINSKI NAČELNIK: OPĆINE TEŠANJ

mr.sc.SUAD Huskić, profesor

Broj: 02-31-3-3308-2/14.

Dana, 09.12.2014.g.